

**SREDNJA ELEKTROTEHNIČKA ŠKOLA
SARAJEVO**

Safeta Zajke br.2

Na osnovu člana 143. stav (4) tačka g) Zakona o srednjem obrazovanju („Službene novine Kantona Sarajevo broj 23/17 i 30/19), Odluke Školskog odbora i uz Saglasnost Ministarstva za obrazovanje, nauku i mlade Kantona Sarajevo broj: 11-30-1316-734/20 od 31.12.2020. godine, raspisuje

JAVNI KONKURS

za popunu upražnjenih radnih mjesta u šk. 2020/2021. godini za:

1. Nastavnik/ca engleskog jezika, 1 izvršilac, 12 časova nastavne norme sedmično, na određeno vrijeme, od okončanja konkursne procedure do povratka radnice sa porodijskog odsustva, a najdalje do 31.08.2021.godine;
2. Nastavnik/ca laboratorijskog rada za zanimanje elektrotehničar RTV tehnike, 1 izvršilac, 24 časa nastavne norme sedmično, na određeno vrijeme od okončanja konkursne procedure do 31.08.2021.godine;
3. Nastavnik/ca laboratorijskog rada, 1 izvršilac, 16 časova nastavne norme sedmično, na određeno vrijeme od okončanja konkursne procedure do 31.08.2021.godine;
4. Sekretar škole, 1 izvršilac, 40 sati sedmično na određeno vrijeme od okončanja konkursne procedure do 31.08.2021.godine.

USLOVI:

Pored općih uslova za zasnivanje radnog odnosa, kandidati treba da ispunjavaju i posebne uslove propisane Zakonom o srednjem obrazovanju, Nastavnim planom i programom, Pedagoškim standardima i normativnim aktima Škole i to:

Za poziciju 1.

Profesor engleskog jezika, VSS – VII stepen stručne spreme, odnosno prvi ciklus (koji se vrednuje sa 240 ECTS bodova) ili II ili III ciklus Bolonjskog sistema studiranja, zvanje Profesor engleskog jezika.

Za poziciju 2.

Diplomirani inženjer elektrotehnike, VSS – VII stepen stručne spreme / II, odnosno III ciklus bolonjskog visokoobrazovnog procesa smjer telekomunikacije, inženjer elektrotehnike smjer telekomunikacije ili elektroničar majstor za RTV uređaje V stepen stručne spreme sa najmanje pet godina radnog iskustva u struci.

Za poziciju 3.

Diplomirani inženjer elektrotehnike, VSS – VII stepen stručne spreme / II, odnosno III ciklus bolonjskog visokoobrazovnog procesa smjer elektronika i automatika ili telekomunikacije, inženjer elektrotehnike smjer elektronika i automatika ili telekomunikacije, ili elektroničar majstor odgovarajućeg zanimanja elektrostruke, V stepen stručne spreme sa najmanje pet godina radnog iskustva u struci.

Za poziciju 4.

Diplomirani pravnik, VSS - VII stepen stručne spreme ili najmanje I (prvi) ciklus Bolonjskog sistema studiranja u četverogodišnjem trajanju sa ostvarenih 240 ECTS bodova.

Kandidati koji konkurišu na Javni konkurs, obavezni su blagovremeno dostaviti slijedeću dokumentaciju:

1. Obavezna dokumentacija:

- a) svojeručno potpisana pisana prijava na konkurs sa kratkom biografijom, kontakt podacima kandidata i tačno navedenom dokumentacijom koja se prilaže uz prijavu na konkurs,
- b) diploma o stečenoj stručnoj spremi ili akademskom zvanju,
- c) izvod iz matične knjige rođenih,

- d) uvjerenje o državljanstvu ne starije od šest mjeseci od dana objavljivanja konkursa i
- e) druge dokaze o ispunjavanju uslova za to radno mjesto utvrđenim Pravilnikom o unutrašnjoj organizaciji i sistematizaciji radnih mjesta.

2. Dodatna dokumentacija:

- a) uvjerenje/potvrda o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje i tačno navedeno,
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrda o vremenu provedenom na evidenciji Službe za zapošljavanje Kantona Sarajevo (ne starija od tri mjeseca),
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h) osobe koje imaju status naveden u članu 10. stav 2. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci od dana objavljivanja konkursa),
- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH (2/98 i 48/99).

PREDNOST U ZAPOŠLJAVANJU POD POSEBNIM USLOVIMA

Prednost pri zapošljanju svih boračkih kategorija ostvaruje se na način da se kandidatu nakon bodovanja po osnovu općih i posebnih kriterija konkursa, nakon provedene kompletne konkursne procedure, uključujući i intervju, na ukupan broj ostvarenih bodova, u zavisnosti od pripadnosti boračkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje određeni postotak istih, a u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20) i Uputom Ministarstva za obrazovanje, nauku i mlade Kkantona Sarajevo broj:11/03-3044556-1/20 od 17.11.2020.godine. Prednost u zapošljavanju kandidati dokazuju odgovarajućim dokumentima koji su propisani Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (Službene novine Kantona Sarajevo“, broj: 37/20), a koje prilažu prilikom prijave na javni oglas, pozivajući se na poseban zakon po kojem ima prednost.

P O P I S
DOKUMENTACIJE KOJOM SE DOKAZUJE STATUS KORISNIKA PO OVOJ
UREDBI

1. Član porodice šehida/poginulog, umrlog i nestalog branioca: Uvjerenje o statusu djeteta šehida poginulog, umrlog i nestalog branioca, Rješenje o priznatom pravu na porodičnu invalidninu za suprugu šehida poginulog, umrlog i nestalog branioca i Uvjerenje o učešću u Oružanim snagama za šehida-poginulog, umrlog i nestalog branioca (izdato od Općinske službe za boračko-invalidsku zaštitu-Grupa za pitanja evidencija iz oblasti vojne obaveze prema mjestu prebivališta);
2. Ratni vojni invalid: Rješenje o priznatom svojstvu ratnog vojnog invalida (izdato od Općinske službe za boračko-invalidsku zaštitu);
3. Dobitnik ratnog priznanja i odlikovanja: Rješenje o priznatom pravu na mjesečno novčano primanje dobitnika priznanja (izdato od Općinske službe za boračko-invalidsku zaštitu);
4. Demobilizirani branioci: Uvjerenje o učešću u Oružanim snagama (izdato od Grupe za pitanja evidencija iz oblasti vojne obaveze prema mjestu prebivališta);
5. Dijete:
 - a) ratnog vojnog invalida: Uvjerenje o statusu djeteta ratnog vojnog invalida i Rješenje o priznatom pravu na invalidninu i Rješenje o priznatom pravu na mjesečni novčani dodatak (izdato od Općinske službe za boračko-invalidsku zaštitu);
 - b) dobitnika ratnog priznanja i odlikovanja: Uvjerenje o statusu djeteta dobitnika ratnog priznanja i odlikovanja i Rješenje o priznatom pravu na mjesečni novčani dodatak (izdato od Općinske službe za boračko-invalidsku zaštitu);
 - c) demobiliziranog branioca: Uvjerenje o statusu djeteta demobiliziranog branioca i Uvjerenje o učešću u Oružanim snagama (izdato od Grupe za pitanja evidencije iz oblasti vojne obaveze prema mjestu prebivališta).

Osim navedenog, shodno članu 3. stavu (3) Uredbe, kandidat je dužan dostaviti uvjerenje/potvrdu o prebivalištu/boravištu na području Kantona Sarajevo izdato od nadležnog organa (ne stariju od šest mjeseci). Kandidat koji ostvaruje pravo na prioritet pri zapošljavanju, shodno članu 5. stav (1) navedene Uredbe, dužan je dostaviti uvjerenje JU „Služba za zapošljavanje Kantona Sarajevo“ Sarajevo da se u momentu podnošenja prijave na javni konkurs nalazi na evidenciji nezaposlenih lica, odnosno uvjerenje da je zaposlen sa nižom stručnom spremom od stručne spreme koja se traži konkursom.

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs može biti u kopiji, uz obavezno da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju odluke o izboru kandidata.

Prilikom bodovanja kandidati će se bodovati prema odredbama **Pravilnika** sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17) i **Uredbom** o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo („Službene novine Kantona Sarajevo“ broj: 37/20).

Po konačnosti odluke o izboru, izabrani kandidat je obavezan dostaviti ljekarsko uvjerenje o zdravstvenoj sposobnosti za rad u obrazovanju, koje nije starije od šest mjeseci.

Prijave sa dokazima dostaviti putem pošte, isključivo u zatvorenoj koverti sa naznakom: „Prijava na konkurs- na poziciju br.____, ne otvarati-otvara komisija“, na adresu: JU Srednja elektrotehnička škola, Ul Safeta Zajke br. 2, 71000 Sarajevo.

Nepotpune, neblagovremene i neuredne prijave neće se razmatrati.

Javni konkurs ostaje otvoren osam (8) dana od dana objavljivanja tj. od 12.01.2020. do 20.01.2020.godine.

Dokumentacija kandidata koji nisu izabrani vraća se na lični zahtjev putem protokola škole u roku od 30 dana od dana okončanja konkursne procedure.

Javni konkurs će biti objavljen u dnevnom listu „Oslobođenje“ 12.01.2020.godine.